

2015ko Sukaldeko Elkarrizketek sukaldaritzaren abangoardia eta etorkizuna aztertuko dituzte

2015/02/16

“Urte askotako jarduera biziaren ondoren, gastronomiaren eta sukaldaritzaren etorkizunari buruzko eztabaida dugu egiteko. Eta Elkarrizketak ekimena horretarako esparru ezin hobea da”. Halaxe mintzatu da gaur goizean biltzarreko edukien zuzendaria, Iñaki Martínez de Albéniz, biltzarraren bosgarren edizioaren programa aurkezteko ekitaldian. Basque Culinary Centerren izango da, martxoaren 9an eta 10ean. “Vanguardia, anticipando el futuro” (Abangoardia, etorkizunari aurrea hartuz) goiburuarekin, Sukaldeko Elkarrizketek hainbat ikuspegitatik helduko diote gaiari, hala nola artearen, diseinuaren, teknologiaren eta komunikazioaren ikuspegietatik.

